

制而出行列宿司無道出入無常六十一日有餘過一宮七百四十日而一周天夏至夜半中於箕斗之  
交六月昏出於牛女之交

〔晉書天文〕十二熒惑曰南方夏火禮也視也禮虧視失逆夏令傷火氣罰見熒惑熒惑法使行無常出則有  
兵入則兵散以舍命國爲亂爲賊爲疾爲喪爲饑爲兵所居國受殃環繞鉤已芒角動搖變色乍前乍  
後乍左乍右其爲殃愈甚其南丈夫北女子喪周旋止息乃爲死喪寇亂其野亡地其失行而速兵聚  
其下順之戰勝又曰熒惑主大鴻臚主死喪主司空又爲司馬主楚吳越以南又司天下群臣之過司  
驕奢亡亂妖孽主歲成敗又曰熒惑不動兵不戰有誅將其出色赤怒逆行成鉤已戰凶有圍軍鉤已  
有芒角如鋒刃人主無出宮下有伏兵芒大則人衆怒又爲理外則理兵內則理政爲天子之理也故  
曰雖有明天子必視熒惑所在其入守犯太微軒轅營室房心主命惡之

〔鎔造化育論上〕日輪第四郭曰熒惑圈卽火星運回之行環也火星以大地六百八十六日六時半一周  
日輪之外圓也火星以下諸曜之行環皆在大地行環之外故有下合伏對衝而無有上之合伏也此星  
近于對衝則赤色爛爛其光暉太乎木星又近于合伏則其光暗矣以望遠鏡觀之則恒發蒸氣如霧且  
有稀薄之橫紋因而測其自轉大約大地一日四十刻餘而一周焉然則火星界一年卽大地九百六十  
一日十四刻也

〔扶桑略記三〕敏達九年六月有人奏曰有土師連八島唱歌絕世夜有人來相和爭歌音聲非常八島異之  
追尋至住吉濱天曉入海者耳聽王子奏曰是熒惑星也此星降化爲人遊童子間好作謠歌歌未然事  
蓋是星歟天皇太善

〔日本書紀二十九〕天武十年九月癸丑熒惑入月

〔日本書紀三十〕持統六年七月辛酉是夜熒惑與歲星於一步內乍光乍沒相近相避四遍

〔續日本紀八〕元正養老四年正月庚午熒惑逆行